



Pou Piblikasyon Imedya: 01/12/2021

GOUVÈNÈ KATHY HOCHUL

GOUVÈNÈ HOCHUL ANONSE DEZYÈM FAZ GAYAN POU PWOGRAM ANKOURAJMAN POU VAKSEN AN KI RELE 'VAKSINEN, EDIKE, GRADYE' POU TIMOUN KI GEN 5 A 11 AN POU GEN YON CHANS POU GENYEN YON BOUS ETID KONPLÈ NAN SUNY OSWA NAN CUNY

Paran ak gadyen timoun ki gen 5 a 11 zan ki resevwa premye dòz vaksen yo anvan 19 desanm ka patisipe nan tiraj osò a [isit la](#)

Bous etid la den ladan frè ekolaj, chanm ak pansyon

10 ganyan pa semèn pandan senk semèn ak premye ganyan yo ke yo pral anonse 24 novanm; orè tiral la disponib [isit la](#)

Jodi a, Gouvènè Kathy Hochul te anonse 10 gayan dezyèm faz pwogram ankourajman pou vaksen "Vaksinè, Edike, Gradye" (Vaccinate, Educate, Graduate) New York la.

"Atravè Pwogram 'Vaksinè, Edike, Gradye' a, dis jèn Nouyòkè anplis pral kapab resevwa opòtinite edikasyon pou chanje lavi nan nenpòt fakilte oswa inivèsite SUNY oswa CUNY," **Gouvènè Hochul te deklare.** "Pandan n ap antre nan sezon fèt la epi risk pou transmasyon yo ap ogmante, li absoliman enpòtan pou nou rete vijilan. Vaksen an se mwayen ki pi asire pou kenbe ou menm ak pwòch ou an sekirite - li gratis, fasil pou gen aksè, epi sa ki pi enpòtan li san danje pou timoun senk a 11 an yo."

Paran ak responsab timoun ki gen laj 5 jiska 11 zan ki resevwa premye dòz vaksen yo disi 19 desanm ka antre nan pwogram ankourajman "Vaksinè, Edike, Gradye" a pou yo gen chans genyen yon bous etid konplè nan nenpòt kolèj oswa inivèsite SUNY oswa CUNY ki dire de oswa kat ane pou pitit yo. Bous etid la gen ladan frè ekolaj, chanm ak pansyon

- **Frè eskolarite:** Frè eskolarite konplè nan yon Inivèsite Eta oswa Vil New York.
- **Frè pou depans ki pa lye a ekolaj la:** Chanm ak pansyon ak alokasyon pou frè liv, founiti ak transpò jiska nan pri mwayèn nan kolèj SUNY an.
- **Rezidans:** Elèv k ap viv nan kanpis lekòl la pral resevwa yon alokasyon pou chanm ak pansyon ki pi wo pase elèv ki vwayaje yo. Si pa gen lojman ki disponib pou elèv yo nan kanpis la, yo pral resevwa menm alokasyon ak elèv k ap viv nan kanpis la.

Men lis ganyan yo. Lòt enfòmasyon ki idantifye yo pa disponib pou pwoteje vi prive elèv la.

- Santiago K., Konte Kings
- Naomi F., Konte Schenectady
- Michael G., Konte Queens
- Baruch W., Konte Westchester
- Adalynn V., Konte Onondaga
- Keira H., Konte Rockland
- Michael G., Konte Fulton
- Griffin R., Konte Monroe
- Theodore F., Konte Queens
- Sophia S., Konte Chemung

Rektè CUNY an, Félix V. Matos Rodríguez te deklare, "Felisitasyon pou gayan dezyèm faz pwogram 'Vaksin, Edike, Gradye' a, dèske l ap jwenn pwoteksyon kont COVID-19 la ak gen yon edikasyon enpresyonan ak presye nan CUNY k ap tann yo. Nou remèsye Gouvènè Hochul dèske li kominike enpòtans pou vaksin timoun nou yo epi felisite paran ak gadyen yo nan New York dèske yon pran mezi enpòtan sa a pou pwoteje timoun yo, epi rekòmande lòt yo pou fè menm jan".

Chanselye SUNY an, Jim Malatras, te deklare, "Nou dwe fè tout sa nou kapab pou mete fen nan pandemi sa a epi vaksinasyon yo kontinye se mwayen ki pi bon ak pi sekirite pou nou fè sa. Mwen remèsye Gouvènè Hochul pou lidèchip li nan kontinye pwoteje Nouyòk yo kont viris sa a. Mwen felisite gayan dezyèm faz Pwogram Ankourajman Bousdetid pou Vaksen ki se Vaksin, Edike, Gradye a ki pral gen opòtinite kounye a pou ale nan lekòl SUNY klas mondyal nou yo gratis pandan y ap fè pati pa yo pou pwoteje tèt yo ak fanmi yo".

Prezidan Kòporasyon Sèvis Ansèyman Siperyè Eta New York la, Doktè Guillermo Linares, te deklare, "Felisitasyon pou de gayan semèn konkou Bousdetid kòm Ankourajman pou Vaksen ki se Vaksin, Edike, Gradye a! Pwogram sa a ap ede ankouraje paran elèv yo ki gen 5-11 an pran vaksen ak pwoteje tèt yo, fanmi yo ak zanmi yo epi ede rann kanpis lekòl yo san danje kont kowonaviris la. Mwen ankouraje tout moun elijib ki pran vaksen ak ede anpeche pwopagasyon an".

Paran ak gadyen yo ka patisipe nan non timoun ki elijib yo [isit la](#) epi moun ki pa gen aksè ak entènèt yo ka rele [1-833-697-4829](tel:1-833-697-4829) pou soumèt yon enskripsyon pa telefòn. Eta New York pral administre tiraj osò a chak semèn, epi se Depatman Sante Eta New York ak Kòporasyon Sèvis Edikasyon Siperyè Eta New York (New York State Higher Education Services Corporation) ki pral verifye ganyan yo.

Yo pral aksepte sèlman yon sèl enskripsyon pou chak timoun, epi timoun yo dwe deja resevwa premye vaksen COVID-19 yo omwen yon jou anvan enskripsyon yo. Yo pral repòte enskripsyon yo atravè tout tiraj pwogram 'Vaccinate, Educate, Graduate' la. Gen Enfòmasyon Adisyonèl Ki Disponib nan [Règleman Ofisyèl yo](#).

Nou ankouraje paran ak gadyen yo pou vizite [nouvo sit entènèt](#) Eta a, pou jwenn enfòmasyon, [kesyon yo poze souvan](#), ak [nouvo resous](#) sou vaksen COVID-19 la ak timoun yo. Eta a dènyèman te ajoute materyèl ki pare pou sipòte founisè pedyatrik yo ak lokalite k ap bay timoun yo vaksen an sou tèren an, tankou nouvo afich ak otokolan ki disponib [isit la](#).

Yo ankouraje Nouyòkè k ap chèche pran randevou pou vaksen pou timoun ki gen 5 a 11 zan yo pou yo kontakte pedyat pitit yo a, doktè fanmi yo, depatman sante konte yo, Sant Sante ki Kalifye nan nivo Federal (Federally Qualified Health Centers, FQHCs) yo, sant sante riral yo, oswa famasi ki ka bay vaksen yo pou gwoup laj sa a. Paran yo ak gadyen yo ka vizite [vaccines.gov](#), voye mesaj tèks kòd postal yo nan 438829, oswa rele [1-800-232-0233](#) pou jwenn lokal ki tou pre yo. Asire w ke founisè a ofri vaksen Pfizer-BioNTech COVID-19 la, paske lòt vaksen COVID-19 yo pa ko otorize pou gwoup laj sa a. Nan moman sa, yo te itilize sit vaksinasyon an mas Eta New York yo aktyèlman pou moun ki gen laj 12 an ak plis, pandan sit tanporè #VaxToSchool yo konsantre sou moun ki gen 12- a 17 an. Pwogramasyon ak evènman siplemantè ki konsantre sou timoun ki gen 5 a 11 zan yo ap anonse nan pa lontan.

###

Lòt nouvel disponib sou sit [www.governor.ny.gov](#)
Eta New York | Chanm Egzekitif | [press.office@exec.ny.gov](#) | 518.474.8418